

“La Bomba” ta celebrando su di 10 aña di existencia

ORANJESTAD - La Bomba un grupo di hobennan cu a dedica tur aña desde nan existencia cu nos cultura di Aruba, especialmente na Festival dedica na 18 di Maart y “Dande.” E grupo ta consisti di varios hoben cu ta toca tur clase di instrumento musical, canto, y ta compone nan cancionnan. Admirabel ta cu apesar cu varios di e hobennan aki ta studiando den exterior nan ta uni tur December usando nan vakantie pa aporta cu e tradicion (cultura) di fin di aña “Dande.”

La Bomba desde un inicio ta participando na e Festival infantil/hubnil di Dande, pa cua y e aña aki a ser homenahe cu un bunita trofeo pa cu su participacion di tur aña desde inicio di e Festival La Bomba pa prome biaha a participa e aña aki na e Festival grandi di Dande y a sa di bay cu diferente premio.

E integrantenan di La Bomba, ademas di concursa na e Festival ta disfruta y complace famia, negoshi y fiestanan cu nan dushi musica cultural. E “muchanan,” mayoria cu edadnan entre 7 pa 20 aña, ta reuni casi tur dia na



Pa cu Casey su di 10 aña cu La Bomba participando na Festival Infantil/Hubnil.

December na cas di Gloria y Tim, mayornan di Casey pa prepara pa e Festival y paranda dia 30, 31 di December y prome di Januari.

E idea pa a forma un banda a cuminsa despues cu Casey Dozier a participa na e Festival di 18 di Maart y despues a bay participa na e prome festival di Dande Infantil na Aruba apesar cu awe Casey ta un hoben cu ya ta participando na festival grandi di dande Casey Dozier ta continua cu su banda cu participacion cu diferente muchanan chiquito cu ta participa na Dande infantil/hubnil, un hoben cu a demostra su pasion pa musica cu awe su persona ta studiando na University of central Florida pa musica, un hoben cu a dedica y aporta na varios muchanan musiconan tanto chiquito como grandi, cu awe varios di nan ta studiando den exterior den diferente areanan musical, hobennan cu di un forma of otro awendia ta muchanan sano muchanan cu te awe ta dedica nan na musica folclorico cu ta nos cultura di Aruba.

Casey Dozier ta kere

fuertemente pa conserva nos dande, e manera cu e kier pa nos conserva dande ta pa stimula e muchanan chikito, pa cu mayan nos por wak atras y bisa cu orguyo cu nos pais Aruba tin su propio cultura, paso un pais sin cultura no por ta un pais sano no por ta un pais respetu

Casey Dozier e aña aki a haya hopi critica tanto constructivo y destructivo cual su persona ta aprecia tur e criticanan constructivo di su pueblo, paso dor di criticanan constructivo bo ta conoce e malo y bon y ta contribui na e exitoso di un persona su futuro, na e criticanan destructivo Casey su opinion ta pa na e grupito cu ta aporta pa destrui no solamente musiconan Arubiano sino den tur aspecto cu tin di haci cu Aruba su hobennan cu kier den un manera of otro aporta cu Aruba su cultura, deporte, etc. tur cos cu por hiba nos hobennan den un caminda sano, si boso grupito no ta aporta tanto pa nos cultura of deporte no purba di destrui nos hobennan cu si kier wak un pais bay dilanti sanamente

Pa e locutora Arubiano (MC) Casey a keda hopi desapunta no na su persona directamente paso awe e ta orguyoso cu aporte na Cultura di Aruba, na stimula e muchanan, hobennan Arubiano pa sigui, sino pa cu su ofensa na su Mayor na momento cu el a menciona publicamente na radio cu “Casey no a wordo lanta cu cultura na cas” Un Mayor nan cu no solamente a dedica na Casey sino na tur e muchanan cu a pasa na su cas tanto pa nan tempo y aporte, Casey no ta pidiendo un disculpa pero si e kier conseha e persona ey cu en bes e duna un critica di e calamidad cu den un manera of otro por kibra un



La Bomba gozando di tur nan trofeonan.



Grupo “La Bomba.”



Celebracion di nan 10 aña di existencia.

persona cu si ta cuminsando cu su carera, esey no ta e manera cu un persona mester usa e poder di ta un locutora pa ofende personanan cu e no tin un idea kico e ta papiando.

Alabes Casey kier a splica cu e motibo cu el a hinca algun tono diferente den su Dande cu el a participa ta pa stimula e hobennan pa tanto nan participacion na e Festival y alaves pa trece un publico varia no unicamente dande ta pa e bieunan sino tambe pa e hobennan, si mester coi e trayectoria di Dande di un principio y te cu awor, Dande a wordu cambia hopi caba esey ta hopi natural dor cu ta un cantica so cu tin di sona cu

su letra y musica pa hopi biaha den un corto tempo di aña cu lamentablemente personanan tin un tendencia di fada of cansa di tende y ta natural cu cada aña e bandanan cu tambe tin hopi aña ta tocando e mes un cantica lo wordu cambia gradualmente na unda ningun hende lo ripara cual ya ta e sucedido caba, den mi banda e tabata un cambio brusco y pesey Casey ta pensa cu tabata tin hopi critica na su persona En todo caso la Bomba kier a gradici tur instancia, famia, conocinan cu a aporta cu nan trayectoria di 10 aña di nan carera musical, sperando cu tur e hobennan apoya tur banda musical cu ta aporta cu cultura di nos Aruba



Casey cantando na Dande Festival 2008/2009.



Participante “La Bomba” na Festival Infantil.